



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 03.12.2019

Presidi: Peer-Puorger Victor
Participant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri
S-chüsà:
Protocol: Oswald Gian Claudio
Fabrica: Paulmichl-Rodigari Albin
Giasst/s:

tractandas	tema	responsabel
1	0120 Executiva Acconsentimaint protocol	tuots
2	0220 Uffizi da fabrica Dum. da fabrica no. 006/2018, fabrichar oura il plan sura da la chamonna, Moll Daniel, parcella no. 10955, Griosch 244, 7557 Vnà	vp/fr/ap
3	7410 Repars, flüms ed auals Problematica da lavinas Martina-Vinadi Perizia da l'effet da lavinas sülla "chasa veglia dal dazi a Vinadi"	vp/ap
4	9630 Stabels da la facultà da finanzas Vendita da la chasa da scoula Tschlin Petiziun a regard vendita da la chasa da scoula a Tschlin	vp/mf
5	0220 Uffizi da fabrica Deponia Prà Dadora Dumonda pella prolungaziun dal contrat pella gestiun da la deponia	vp/ap
6	8500 Industria e commerzi UNESCO-Reservat da Biosfera Engiadina Val Müstair/ proget regional/ stüdi da realisabilità per ün'ev. partecipaziun da Valsot e Scuol Stüdi da realisabilità per l'examinaziun dal svilup dal parc	vp/mf

	0210	Administraziun cumünala	
7		Garanzia dal vaschinadi dal cumün	
		Dumonda da Löfflmann Werner e Löfflmann Ursula Maria Mathilde	vp/mf
	0120	Executiva	
8		Orientaziuns	tuots
	0120	Executiva	
9		Varia (suprastanza cumünala)	tuots

0120 Executiva

144 Acconsentimaint protocol

Il protocol da la sezzüda dals 11 da november 2019 vegn approvà.

0220 Uffizi da fabrica

145 Dum. da fabrica no. 006/2018, fabrichar oura il plan sura da la chamonna, Moll Daniel, parcella no. 10955, Griosch 244, 7557 Vnà

Il capo spiega la situaziun in connex cul andamaint da la chomonna da Daniel Moll (anteriur possesur Flurin Heinrich). Quella d'eira gnüda donnagiada d'üna lavina derivanta dal territori da Val Tiatscha i'l on 2009. In consequenza da quel evenimaint ha la cumischiun da privel decis da metter eir quella chamonna illa zona da privel 1. Per tilla refar vaiva Flurin Heinrich inoltrà dal 2000 üna dumonda da fabrica. La chamonna ais gnüda refatta dal 2001 tenor il permiss da fabrica. Davo chi vaiva chattà lö in november dal 2001 la collaudaziun, sun gnüdas effectuadas ulteriuras lavurs vi da la chamonna, sainza permiss. Sül plan sura sun gnüdas realisadas duos stanzas da durmir parzialmaing isoladas e cun intabladüras. Implü ais la spesa gnüda fabrichad'oura in üna tualetta cun duscha.

Illa discussiun dal gremi vain manzunà, cha als proprietaris da chamonnas in quella zona d'eira gnü spüert da spostar il lö per reconstruir lur chamonnas in ün territori dadour la zona da privel. Flurin Heinrich vaiva insisti da pudair refar sia chamonna al lö oriund. In consequenza da quai, d'eira gnü concess ün permiss da fabrica cumbinà cun restricziuns in fuorma da masüras da prevenziun.

La suprastanza decida da pretender cha'l proprietari reconstruischa il stadi oriund da la chamonna. Impustüt esa però amo dad aspirar ün aboccamaint cul petent per trattar supra l'ulteriur proceder in fatschenda.

7410 Repars, flüms ed auais

146 Problematica da lavinas Martina-Vinadi

Perizia da l'effet da lavinas sülla "chasa veglia dal dazi a Vinadi"

Davo avoir passà pled cul proprietari da la «Chasa veglia dal dazi a Vinadi», sar Hermann Taisch, as vaiva quel abinà cul cumün da surdar l'incumbenza d'elavurar üna perizia in connex cun eventuels effets da lavinas sül stabilimaint. Il büro d'indschegner «Gadola Naturgefahren Wald/Umwelt» ha elavurà il documaint chi fuorma la basa per fuormar reglas da cumportamaint in cas da privels pels abitants dal stabilimaint surnomnà. La charta adressada a man da sar Hermann Taisch cumpiglia las seguintas cundiziuns:

1. In cas da privel da lavinas as das-chan rechattar persunas i'l stabilimaint.
2. Subit cha la via da Martina fin pro'l cunfin cull'Austria ed/obain quella da Vinadi fin Acla da Fans vain serrada, nu das-chan quels chi's rechattan in chasa plü bandunar il stabilimaint. Il medem vala eir scha la cumischiun da lavinas da Valsot ordinescha quai.
3. Las persunas chi's rechattan in cas da privel in chasa, han da s'ardüer subit i'l schler da la chasa.
4. A partir da subit han las persunas chi abitan in chasa da garantir üna via da comunicaziun per cas da privel (telefon, telefonin obain sur func) cull'adminstraziun cumünala e la cumischiun da lavinas. Actualmaing vain registrà il nomer da telefonin da sar Mathias Stecher per quel scopo.
5. Davo cha tala persuna es gnüda alarmada, ha quella da confermar quai cun ün avis per e-mail o notizcha da telefonin (info@valsot.ch / sül nomer da telefonin da quel chi til ha telefonà)

6. Implü sto il schler da la chasa gnir miss ad ir in maniera cha persunas as pon tegner sü là per plüs dis, eir sto gnir s-chaffida üna reserva da proviant (mangiativas e bavrondas).
7. Fittadins novs han da gnir orientats tras il proprietari da la chasa sur da quista chosa, implü ha eir da gnir orientada l'administraziun cumünala sur da simils müdamaints.

In cas chi vegnan schluppedatas giò lavinas segna l'uffizi da construcziun bassa respunsabel pella sgürezza.

Il cuntgnü ais er gnü approvà da sar Martin Keiser da l'uffizi da god e privels da la natüra e commember da la cumischiun da privel.

A l'uffizi da construcziun bassa vain orientà sur da la chosa e dat part il plan da piket da la cumischiun da lavinas, per chi saja adüna cler a chi ch'els han d'orientar in cas scha la via gniss serrada etc.

La suprastanza decida da protrametter las chartas a sar Hermann Taisch ed a l'uffizi da construcziun bassa. Implü ais d'orientar a tals chi pudessan esser pertocs in connex cun piket supra quista decisiun e las consequenzas per els.

9630 Stabels da la facultà da finanzas

147 Vendita da la chasa da scoula Tschlin

Petiziun a regard vendita da la chasa da scoula a Tschlin

Il manader d'administraziun spiega chi saja gnüda inoltrada, cun 51 suottascripziuns, üna petiziun pro l'administraziun. Quella as basa sül artichel 17 da la constituziun cumünala, dret da petiziun. Per inoltrar üna petiziun vess bastü ün'unica suottascripziun. Almain 50 suottascripziuns pretenda invezza ün'iniziativa tenor art. 18 da la constituziun cumünala.

Ils petents dubiteschan il möd e trasparenza d'infuormaziun da la suprastanza in connex cullas trattativas pertocant la vendita da la chasa da scoula a Tschlin.

Il capo manzuna cha la direcziun s'ha occupada i'l passà culla fittanza da la chasa da scoula e cun üna blerüra d'aboccamaints culs rapreschantants dal Bainesser Tschlin, mo eir culs respunsabels da las societats. Uossa es la direcziun rivada a la conclusiun, cha sclerimaints in connex cun üna vendita da la chasa da scoula sajan illa cumpetenzza dal gremi, dimena ün aspet strategic e na ün operativ sco quai cha la direcziun fuorma. La suprastanza decida da surdar ad Armon Kirchen, chi suprastà al dicasteri da scoula, ed a Fadri Riatsch chi segna respunsabel pel dicasteri da planisaziun e stabilimains publics, la lezcha da cumpuoner üna cumischiun per quista sfida. Els preschaintan ad üna prosma sezzüda da suprastanza pussibels ulteriurs commembers chi vegnan lura destinats da la suprastanza in quella cumischiun.

A Corsin Biert d'eira gnü dumondà, scha l'organisaziun da Bainesser gess d'accord culla proposta, cha'l cumün coordiness ils termins pella sala polivalenta. Quella dumonda ha El scleri i'l cussagl administrativ. Per els ais quai ün fat problematic. In conseguenza da quai dumondan els, scha in cas d'ün acquist da la chasa da scoula füssa pussibel da fabrichar ün'aigna sala sülla piazza naira suot la scoula. La suprastanza spetta dal cussagl administrativ dal Bainesser lur apsettativas e decisiun in scrit a man dal cumün.

La suprastanza nu tratta quist aspet, causa cha eir quel gnarà integrà illas trattativas da la cumischiun, chi's occuparà da la vendita.

0220 Uffici da fabrica

148 Deponia Prà Dadora

Dumonda pella prolungaziun dal contrat pella gestiun da la deponia

Ils exponents da la ditta Alfred Laurent SA vaivan inoltrà la dumonda per üna prolungaziun dal dret da gestiun per la deponia Prà Dadora fin la fin da l'on 2024. Quist dret fuorma üna part necessaria pel projet da la via in Samignun, chi'd es regard matreial da grip dals tunnels reglà tanter Chantun e cumün.

La supranza decida d'aderir a la dumonda da la ditta Alfred Laurent SA e da prolungar il contrat per 4 ons, dimena fin ils 31 da december 2024.

8500 Industria e commerzi

149 UNESCO-Reservat da Biosfera Engiadina Val Müstair/ projet regional/ stüdi da realisabilità per ün'ev. partecipaziun da Valsot e Scuol

Stüdi da realisabilità per l'examinaziun dal svilup dal parc

In occassiuin da l'occurenza d'infuormaziun a regard ün stüdi da realisabilità per l'examinaziun dal svilup dal parc da natüra Biosfera Val Müstair, chi ha gnü lö als 26 da november 2019 illa sala cumünala a Ramosch, sun las supranzas da Val Müstair, Scuol e Valsot gnüdas orientadas in chosa. Il stüdi ais gnü finanzià dal Chantun, l'acconsentimaint per elavurar quel vaiva dat la conferenza da presidents da la regiun EBVM.

Ils supranzants rendan attent cha ün intent titulà cun «parc» obain «reservat» varà pac bunas schanzas. Implü han ils cunfins tanter las incumbenzas e las respunsabilitats tanter il Parc Naziunal Svizzer ed ün eventual parc obain reservat da biosfera da gnir trats cler ed evidaint. Amo daplù restricziuns nu vulain in mincha cas na.

La supranza va d'accord cul intent da proseguir culla lavur e dà seis acconsentimaint.

0210 Administraziun cumünala

150 Garanzia dal vaschinadi dal cumün

Dumonda da Löffmann Werner e Löffmann Ursula Maria Mathilde

La fam. Löffmann ha daspö l'on 2018 seis domicil a Ramosch e quai in basa al permiss da sogiorn C. Sar Werner e sia duonna Ursula Maria Mathilde han inoltrà al Chantun la dumonda da vaschinadi da nos cumün. L'uffizi da migraziun e da dret civil ha infuormà, cha las premissas davart dal Chantun sco eir da la confederaziun sajan accumuladas. In seguit ha lura il cumün resp. nossa cumischiun da natüralisaziun, destinada da la supranza, gnü da valütar las premissas pella concessiun dal vaschinadi cumünal.

L'actuar infuorma lasupra e la cumischiun po confermar d'avair salvà l'aboccamaint seguond il rapport da retschercha culs petents e cha las premissas sun latras eir accumuladas pel vaschinadi cumünal.

La supranza decida da conceder il vaschinadi da nos cumün, però actualmaing be in basa a la garanzia per quel. Il vaschinadi cumünal aintra in vigur legala pür davo cha'l permiss federal da natüralisaziun es avantman.

Avegnir butia a Ramosch

Fadri Riatsch orientescha, chi sajan inoltradas trais annunzchas in connex cun ün manaschi da la butia. Previs esa da fundar üna società e da rediger ils statüts per tala. Fadri suottametta a la suprastanza la dumonda, scha la società das-cha laschar examinar ils statüts (cur chi sun avantman) a nos cusgliader giuridic, Armon Vital, e quai sün cuosts dal cumün.

Ils respunsabels da la Post Schweiz AG s'han annunzchats pro el, davo cha'l cumün vaiva orientà da na acceptar la soluziun «servezzan da chasa». Quels han surponderà lur intent e vezzan ev. la pussibilità da mantgnair illa nouva butia l'agentura da posta. Quist svilup ais fich allegraivel. Il capo accentuescha l'importanza da nos agir in quista chosa.

La suprastanza va daperüna cul fat, cha la società lascha examinar ils statüts ad Armon Vital sün cuosts da cumün.

Uffizi forestal

Armon Mayer manzuna, cha'l silvicultur ed el han gnü üna sezzüda cun rapreschantants da Holz Vermarktung Graubünden. Els han pudü trattar supra il contrat d'oblig d'acziunaris e da furniziun. I'l cuntgnü dal contrat as rechattaivan alchüns sbagls, quels vegnan correts. Davopro vain protramiss l'exemplar corret. In connex culla furniziun da lain d'adöver han els fixà ün quantum da 2'000 m³ l'on. Quatras s'oblaja il cumün da furnir la quantità definada a la ditta surnomnada. Armon orientescha implü, cha ün nouv acziunari da la Holz Vermarktung Graubünden dal chantun da Turich realisescha actualmaing ün'ouvra da pirolisa. Quel spordschess sustegn in cas scha nus vessan medem intent.

Bun Tschlin

Armon Kirchen infuorma, cha la radunanza generala haja gnü lö. In quell'occasiun ais gnü fat bun il nouv uorden da contribuziuns da commembers e concernent l'organisaziun.

Glüms da vias illas fracziuns

Armon Kirchen dumonda, schi saja cuntschaint cha l'ingluminaziun in diversas fracziuns nu funcziuna correctamaing. Per part ardan las glüms d'ürant il di e sun stüzzas d'ürant la not. La situaziun chaschuna privels. Il manader tecnic orientescha, cha quel problem saja cuntschaint e cha l'Energia Engiadina saja landervia da schoglier il problem. Per l'avegnir vegnan fats adattamaints da maniera chi sarà pussibel d'impizzar e stüder tuot las glüms d'avent da las ovras electricas a Pradella.

Festa naziunala a Gossau

Ursina Caviezel orientescha, cha'ls cuosts pella partecipaziun a la festa naziunala a Gossau s'amuntan ad üna somma da raduond fr. 11'600.00. Percunter stà l'import retschavü da fr. 10'000.00 a favur da la sanaziun dals objects a Chant Sura e Chant Dadaint. Uschè piglia la suprastanza cun satisfacziun cogniziun da quel resultat.

Visita oculara revitalisaziun ognia Panas-ch (part dal proget GKI)

Il capo, il vicecapo ed Armon Kirchen han tut part a la visita oculara da las plazzas da fabrica da l'OCE (GKI). Els han eir visità la zona da revitalisaziun ognia Panas-ch. Là sun gnüdas realisadas masüras da cumpensaziun culla contribuziun cha l'OCE ha prestà in ün fuond chantunal. Il vicecapo ed Armon Kirchen han accumpagnà la gruppa fin a Prutz ed eir pudü tour invista las installaziuns per la producziun da forza electrica. Quai ha fat grond'impreschiun.

Transports d'AutodaPosta

Als 2 da december ha gnü lö ün aboccamaint cun rapreschantants da l'AutodaPosta. Il capo, la mainascula e'l manader d'administraziun han tut part a quel. Il rapreschantants da cumün han gnü occasiun da plazzar problems in connex culs transports da scolars tanter las fracziuns. Tanter oter ais gnü discus sur d'ün manaschunz ed ün veicul da transport. Els vöglan eir amegldrar la situaziun culla piazza i'l veicul pertoc. Il capo tils ha infuormà, cha'l cumün prevezza da metter il transports in libra concorrenza. L'AutodaPosta ha in quell'ocasiun eir la pussibilità d'inoltrar si'offerta.

Acla da Fans

Il capo orientescha ch'el haja tut part ad üna sezzüda dal cussagl administrativ da l'Acla da Fans. A chaschun da quella sezzüda ha il cussagl administrativ eir s'occupà dal andamaint da gestiun. L'Acla da Fans vain confruntada cun sfidas chi pretendan d'analisar la situaziun e da tscherchar soluziuns.

0120 Executiva

152 Varia (suprastanza cumünala)

Da la tractanda varia nu vegn fat adöver.

7556 Ramosch, 11.12.2019



Il capo:

Il manader administraziun: